



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 3

Yangia anidakangma : f Tir Yimym

Instagram tir_yimym



tir yimym

TAPAK 8

**Rong yanglutsü aser yanglushitsü
atema maongka tajung lir: Rajnath**

**Lanier ya World C'hips akokba France
nunger mezünghuba asayar kümogo**

VOL. XXIII ISSUE NO. 312 (ADOK 312) DIMAPUR TENTONÜ (MONDAY) LUROI (AUGUST) 24, 2026

₹ 5.00

NE aser Andhra Pradesh kaketshirtemi raratep

Guwahati, August 23, 2026 (Agencies): Andhra Pradesh kübok Kakinada nung aliba nursing college ka nung August 21 nü Northeast kaketshirtem aser local kaketshirtem tsüngda mepetmesü adoka raratepogo.

Iba ya mobile phone ka samaba ken o atema adok aser district administration-i lendong nungi jenbua alitsü atema kaketshirtem hostel balala nung lemsar lidaktsüdar.

SK College of Nursing nung Northeast kaketshir ka indang phone samaba sülen mepetmesü adok. Mezüngbo phone samaba atema mangatettep adok saka jembiyonga aodang Manipur dena Northeast kaketshirtem aser Telugu oshi jembiba kaketshirtem tsüngda rarateptsü tenzük.

Iba tatalokba osang angashia Kakinada district administration aser police hostel tonga ao aser tensa azüoktsü meratem agia liasü.

Northeast nungi kaketshirtem tanga hostel kati anir ao. Administration-isa tanga state tem nungi kaketshir 31 tashi temelaba meshir tanga hostel kati anienogo.

Chief Minister N Chandrababu Naidu-i iba tatalokba osang angashiogo aser

tongti ketdangsürtem nem mapa inyaktsü tetuyuba agütsüogo ta Andhra Pradesh Chief Minister's Office-i metetdaktsü.

CM Naidu-i tuyuba sülen District Collector aser Superintendent of Police-i kaketshirtem lendong nungi kümzüka ayutsü mapa inyakogo.

Iba tatalokba nung Northeast kaketshirtem kar yiruba osang lir aser videos o photographs prokshiba nunga item kuliji angur.

Ketdangsürtemi mapa tajung inyakba Manipur kaketshirtemi pelashishia agizükogo aser parnok lendong nungi jenbua lir ta ashi. Parnoki district administration aser police dang pelaba metetdaktsüogo.

Taoba Manipur Chief Minister N Biren Singh-ia Andhra Pradesh Chief Minister's Office den tongtepratepogo ta metetdaktsüogo.

Kaketshirtem tanga ki kati anienogo aser parnok den woman sub-inspector ka mapa lemozüksüba osang angazükogo ta Biren Singh-isa ashi.

CM Naidu-i taochi sayua aser mapang shitak nung mapa inyakba atema pelar. Kaketshirtem kümzüka ayutsü mapa inyakba atema tenüngsang agütsür ta pai ashi.

Assam & Meghalaya tsüngda tangatettep kati aruogo

Guwahati, August 23, 2026 (Agencies): September 10, 2026 tashi Assam aser Meghalaya nungi tourist aser commercial vehicles akhi ama senzütsü ta Meghalaya Deputy Chief Minister Sniawbhalang Dhar-i ashi.

Deobarnü tourist taxi associations den senden ka amenba sülen Deputy CM Dhar-i iba osang metetdaktsü.

September 10 sülen Assam nungi teshimtet nübotem den senden ka amentsü aser idangji kidanger state ana tsüngda garitem meinprong melii senzütsü atema shisalemsateptsü ta pai ashi.

Dhar-i Honibarnü Guwahati nung Assam Border Protection Minister Atul Bora den ajurutep jembiba sülen tanü tourist taxi associations den senden amen.

Shillong nung Khasi Students'

Union (KSU) rally ka nung ozüng alema inyaksangshiba ajanga tensa mejungi aküm. Iba anogo Assam-registered garitem dak tenük yoka amak aser raksatsü aser tourists aika yiru.

Deobarnü tangatettep kati aruba sülen state anaprong nungi tourist aser commercial vehicles Assam-Meghalaya arrtsü adena senzüdaktsütsü aser tenokdangba kecha malitsü. Meghalaya-registered tourist taxis Assam nung senzütsü aser Assam nungi commercial aser tourist vehicles Meghalaya telungi aitdaktsütsü aser senzüdaktsütsü.

Barapani nung garitem soter ta osang kar prokshiba mapang iba tenangzüktep agiogo. Assam-registered commercial aser tourist vehicles Meghalaya telungi maitdaktsür ta social media nung video tem prokshir.

Dimapur kiyong aika nung power supply malitsü

Dimapur, August 23, 2026 (TYO): August 24 anepdang 5:00 ako nungi 8:00 tashi Dimapur nung tesem aika nung power supply malitsü.

Power department-i 66 kV Power House-Dairy Farm-Nito Farm transmission line anepaluba ajanga power supply shibangtsü ta department-i sangdong ka nung metetdaktsüogo.

August 24 anepdang 5:00 ako

nungi 8:00 tashi Power House, Dairy Farm aser Nito Farm substations shibangtsü ta parnokisa ashi.

Iba ya maintenance work atema lir anungji consumers nem timtem agütsüba atema sasaa bilemer. Ajisüaka, iba mapang consumers aser public-i department den amaliteptsü aser yariteptsü mepishir ta Power department-isa metetdaktsüogo.

LLRPO-i Assam sorkar eviction drive anema noktaker



August 8, 2025 nü Golaghat district nung Assam sorkari No. 2 Negheribil yimtsüng nung eviction drive alidang agiba noksa ka anur. (file)

Guwahati, August 23, 2026 (Agencies): Golaghat district nung Assam-Nagaland arrtsü anasa No. 2 Negheribil nung kibong 59 anientsü maparen nung tetsükdaktsü ka ajuruogo aser iba ya Nagaland nung amenoka aliba telok kati iba ashishitep li ya Nagaland litsü kübok lir ta ashiba ajanga lir.

Iba tesem ya Nagaland nung Lugayum aser Mikirang yimtsüngtem kübok lir aser Assam-i eviction driveinyakba anema Nagaland sorkari tebang aitsüla ta Lotha Lower Range Public Organisation (LLRPO)-i ashir.

Iba tesem nung alirtemi ali aliba documents lir anungji Nagaland sorkari eviction maparen anendakjang ta LLRPO-i takhangba agütsür.

Ajisüaka, Assam nung alirtem aser teloktemi iba onük magizüker aser LLRPO-i Assam maparen nung meinpronger ta tai tongloktür.

No. 2 Negheribil nung village head Raju Narah-i ashiba agi iba tesem nung 1960s nungi

kibongtem liyonga arur.

"1960 nungi ozü oboula nunger idaki lia arur. Kodaser iba ya Nagaland li asütsü? Ni yangi aso aser intet, anungji iba ya ozü li. Parnoki ashir ta ser parnok li mekümtettsü" ta Narah-isa ashi.

Assam Forest Department-i eviction drive tenzüka sülen mangatettep adoka lir.

2025 nung kibong 205 nem eviction notices agütsü aser iba sülen kibong 146 aniena liasü. Tanüngba kibong 59-i okadaki ao aser eviction maparen khen atema anena atadaktsü.

Okadaki tetuyuba agütsüba sülen Golaghat district administration aser Forest Department-i August 16 nü notices, demarcation aser maparen inyaka aotsü atema meratem agitsü osang metetdaktsü.

Assam-Nagaland arrtsülen mapang talangka atsütepa aruba nung LLRPO-i ashiba ajanga ano onük tasen ka bendenlokogo. Nagaland nung amenoka aliba media outlets ajanga LLRPO osang sangdongba Merapani

nung alirtem aser Assam nung telok balalai magizüker aser anema noktaker.

Takam Mising Porin Kébang (TMPK) lennir kati LLRPO kuli magizüker aser iba tesem nung alirtem aso aika liyonga arur ta ashi.

"Parnoki par li ta ashir. Iba ya tiyazü kechiyong onok yangi aso aser intet. Iba ya Assam li lir" ta TMPK lenniri ashi.

Asom Jatiyatabadi Yuva Chatra Parishad (AJYCP)-ia LLRPO onük magizüker.

Assam sorkari August 2025 nung eviction drive inyakdang LLRPO-i iba onük mebenok ta AJYCP lennir Nikunj Medhi-i ashi.

"Assam sorkari August 8, 2025 nü eviction inyakdang parnok kong liasü? Iba mapang parnok ola madok. Parnoki ajungbena dang par ali ta meshitettsü" ta Medhi-i ashi.

Nagaland nung alirtemi Guwahati nung ali alibaji Nagaland nung shilem ka ta asütsü asü. Kuli maliba onüktem nungi kümdanga alitsüla ta Medhi-isa shisem.

BJP Nagaland-i National Office Bearers den ajurutep



Dimapur, August 23, 2026 (TYO): BJP Nagaland State President Benjamin Yephthomi-i anir ketdangpurtemi Bharatiya Janata Party (BJP) National Office Bearers den tejak shiyutepba mapang ka agiogo.

New Delhi nung aliba BJP Headquarters nung BJP National

President Nitin Nabin menden ser iba senden amen ta Media Cell, BJP Nagaland-i metetdaktsü.

Iba senden nung National Office Bearers aser Nagaland State tanishirtem tsüngda sensaksemtsü maongka angu, tebilembatem lemsatep aser telok maparen akangshitsü jembitep.

BJP Nagaland teshimtet teloki National Office Bearers tasenpur dangi salem abener aser moatsür. Parnok lenisüba ajanga party akangshitsü aser BJP alizüngtem aser nükjidongtem tongteta inyaktsü amanger ta Media Cell, BJP Nagaland-isa metetdaktsü.

NSEDM-IDAN aser Saint-Gobain India Pvt. Ltd tsüngta MoU zülutep



NSEDM-IDAN aser Saint-Gobain ketdangsürtem August 21, 2026 nü MoU zülutepdang tangokba noksa nung angur.

Dimapur, Luroi/August 23 (TYO): Nagaland nung lanurtem yaritsü asoshi kkill development, outcome-based training aser placement nung teka amteper inyaktsü atema Nagaland Skill & Entrepreneurship Development Mission (NSEDM), IDAN, Government of Nagaland aser Saint-Gobain India Private Limited (Gyproc Business) tsüngta Memorandum of Understanding (MoU) ka August 21, 2026 nü zülutepa liasü.

Iba MoU yagi industry den apet training ecosystem ka Assistant Technician - False Ceiling and Drywall Installer wadang nung amenoktsü aser state nung aliba lanurtem nem kisü-jensüba aser interior solutions sector nung practical skills agütsütsü atema rangloktüsü.

Tanü-asüng kisü-jensüba yimya nung skill gap aliba

abensaja employment aser entrepreneurship atema lenmang sayutsü nükjiding nung iba MoU ya zülutep.

Vineet Kumar, IAS, Additional Secretary and Project Manager, NSEDM ajanga Nagaland nung teimla tulu aliba aser state lanurtem atema employment opportunities ulushitsü atema industry dak apet skilss agütsütsü nüngdakba indang lemsatapa liasü.

State nung skilling ecosystem tashi itshitsü aser training aser shidakba employment opportunities tsüngta tawa aliba nung apu latsütsü asoshi NSEDM ya tenzük, ta pai ashi.

Iba MoU zülutepba mapang Saint-Gobain tenüng nung Dr. Dharmik Vaishnav, Head - Project Sales, Key Accounts, Contractors & Skills, aser Emmanuel Vijay Kumar G., Senior Manager - Skill

Development dena liasü.

Parnok lungjemer inyakba mapang NSDC yagi ita asem skilling training agütsütsü aser Saint-Gobain Gyproc yagi sorkar yaria display lab, technical aser training teyari densema training lab amenoktsü.

Company yagi placement assistance, trained candidates tema handholding aser entrepreneurship maongka nung yaritsü. Ibai North East Region nung Saint-Gobain ajanga amenokba Skill Centre mezüngbuba asütsü.

Iba tesendaktep ya Nagaland atema kanga tongtipang asütsü, kechiyong iba ya ajanga modern construction technologies nung state nungi trained manpower pool ka yanglutsü, state ajungalen skillful workers dak metaloka aliba ajema kümdaktsütsü aser local economy nung tajangzük tuluba ayutsü meranger.

2021 küm AR tanishir aser par kibong tepseter ka puogo

Imphal, Luroi/August 23 (Agencies): Manipur nung 2021 küm November ita Assam Rifles indang commanding officer ka, pa kinungtsü, tena jabaso ka aser sepa pezü mita atar tepsetba nung sendaka aliba People's Liberation Army (PLA) indang self-styled captain ka puogo, ta police-i Deobarnü ashi.

Tai tonglokja alisang ya arishi küm 28 tain Thiyam Boycha Singh alias Balin ta jangjaogo, aser pa ya Thoubal district kübok Lilong Ushoipokpi area nung atsükoka aliba tesem ka nungi apu ta ashir.

Singh ya Bishnupur Ward No. 8 nungi lir aser National Investigation Agency (NIA) ajanga bushisüngdangba ken o nung Accused No. 3 liasü aser jenshia senzür ta sangdonger liasü, ta police-i ashi.

Thoubal District Police Commandos aser 11 Assam Rifles nungi sepaitem lungjemr iba operation ya agia liasü.

Iba azüdokshi lendong

agütsüba telok nung Singh ya züngsem ka liasü ta bushisüngdangba mapang jangjatet, ta police-i ashi.

November 13, 2021 nü azüdokshi lendong ya Churachandpur district nung Behiang anasa Sehken yimtsüng anasa ataloka liasü. Telungpur temi iba mapang 46 Assam Rifles indang commanding officer inyaka alisang Colonel Viplav Tripathi indang convoy nung tenük yoker amak.

Iba mapang Colonel Tripathi, pa kinungtsü, tena jabaso den Assam Rifles personnel pezü tepset.

Army indang Eastern Command-ia Singh apuba ya social media post ka nung jangjatsüogo aser pa ya iba lendong nung tasa yanglur tongti ka liasü ta ashi.

Iba ken o dak sendakba nung tangar temi shilem agia aliba jangjatsü atema Singh den asingdangya sütar. Pa special NIA court kati anir aotsü.

Mount Mary College, Chümoukedima nung Freshers' Day amung



Mount Mary College, Chümoukedima nung Soshe aser Menevinuo Medoze nati Mr. and Miss Freshers takok korang ngua liasü.

AR-i Kiphire District-Level Drug Free Campaign nung yaritep



Dimapur, Luroi/August 23 (TYO): Akehda Amulung, Kiphire ajanga Nasha Mukta Bharat Abhiyaan kübok August 23, 2026 nü Agape Higher Secondary School, Kiphire nung District-Level Drug-Free Campaign ayongzükba nung Assam Rifles temi yaritepa liasü.

Iba campaign ya kaketshirtem nem temesepba ozü amshiba ajanga temang nung timtem agütsüba indang awareness agütsütsü aser takum nung lenmang shidak nung jaja anema alitsü ajungmesotsü nükjiding nung ayongzükba liasü.

Iba sentong nung kaketshir 180 shi tejangraba tulu nung shilem agia liasü. Iba campaign nung shilem ka ama temesepba mozü dak sendakba tetoktepba tabu ti ayongzükba kaketshir temi shilem tajung agi.

Assam Rifles temi item tetoktepba nung nüngdakbatem agüja liasü. Iba den Assam Rifles temi temesepba mozü dak sendakba audio-visual presentation ka agüja temesepba mozü agi kija, kibong aser lokti nung timtem agütsüba indang ashi aser temesepba mozü nungi pila alitsü ayongzükba liasü.

Iba sentong nung shilem

agurtem nem kulizüng kaketshir agüja parnoki maneni temesepba mozü nungi pila alitsü indang awareness prokshitsü ajungmesoa liasü.

Iba sentong ajanga lanurtem den tongteprateptsü aser lokti nem awareness agütsütsü atema sabang tajung ka agütsü aser ano Assam Rifles o local community na tsüngda tesentaktep tajungba küma terenlok nung alitsü asoshi tali tashi itshi.

Iba inyakyim ya ajanga Assam Rifles temi lanurtem aser nüburttem asoshi mapa tajung inyaktsü temulungtetba sayur.

Dimapur, Luroi/August 23 (TYO): Mount Mary College, Chümoukedima nung 14 buba Freshers' Day sentong August 22, 2026 nü "A tale yet untold" omen nung ajemdaker Yashipokla Memorial Hall nung agia liasü.

Iba anogo Soshe aser Menevinuo Medoze na nem Mr. and Miss Freshers korang semja liasü.

Managing Director Dr. C Teeya Imsong-i iba sentong nung tayongzükba o jembidang, College nung kaketshir tasenpur tem dang takum nung iba anogomung omen bilemtettsü ayongzük aser sentong, lecture aser tajangshiba ajak nung omen lir

aser ibaji ajanga angazükba nung yarir, ta ashi.

Tanü lanurtem temulung uluba asoshi pelaba lemsatepdang, temulung uluba nungji shisatsü, skills, yimya tajung aser tanen makai angazükba alitsüla, ta pai ashi. Pai kaketshirtem dang pezü-belema malitsü ayongzük aser mapang indokbaji pasasa shisatsü mekumdahtsür, ta ashi.

Iba sentong nung ethnic, casual aser formal rounds den departments balalai shilem agia liasü.

Mr. and Miss Fresher tetoktepba nung tetendanger tem ya Lovikali Swu, Ayuh W Konyak, Temsu Sanglir, aser Viphresul Natso liasü.



Patna, Bihar nung Ganga ayong moshia ayimba sülen tzü agi metsünger aliba Nakta tesem nungi nüburtem aruba noksa nung angur. India Meteorological Department ajanga ano Aug 27-28 anogotem nung tsünglu sashia arutsü dakzüba osang metetdakja lir.

China-i oya aliba rong ka meküpok; nisung 2 kümzükogo

New Delhi, Luroi/August 23 (Agencies): Panama wako songer aliba MV Ocean Winner rong Odisha nungi iron ore ton 72,000 dak tema bener China-i oya aliba mapang Bay of Bengal nung angemoka ai, ta ketdangsürtemi Deobarnü metetdaksü.

Rong nung mena alir parnok 24 rongnungi anabo kümzükogo aser tanungba parnok 22 bushiba mapang lir

Iba rong ya Hokolbarnü Paradip Port nungi iron ore bener China-i apusoa ao. Rong den tesendaktep samaba sülen Honibarnü angemoka ai. Rong nung mena alirtem rongnung China nunger 20 Myanmar nunger asem aser Bangladesh nunger ka densema liasü, ta

ketdangsürtemi ashi.

Iba rong den tesendaktep makai akümba den rong lendong nung aliba osang angazükba sülen Sri Vijaya Puram (taoba mapang Port Blair) nung Maritime Rescue Coordination Centre (MRCC)-i search-and-rescue operation ka tenzüka liasü.

Indian Coast Guard rongtem aser Navy maritime surveillance tayimtsütem yokogo aser iba tesem nung senzüa aliba rongtem danga teyari agütsütsü metetdaksüogo.

Tekümzükertem ya temang anepalutsü atema anir aruogo. "Tena ya kechi nisung aji jangjatsü merangdar," ta Coast Guard otongdar Commandant

Amit Uniyal-i ashi. Bay of Bengal tzüyim mesüngjemtetba ajanga tekümzükba maparen nung tetsüdaksü adoker, ta pai ashi.

Rong ya kodaser angemoka ai iba indang osang tejangja tang tashi memetet. Rong ya tsünsang majungba agi asü, khu nung tebilemtsü kar adokba agi asü, mechanical failure ajanga mesüra tanga kuli kar ajanga meküpok aji ketdangsürtemi asadangtsü.

Ports, shipping and waterways minister Sarbananda Sonowal-i, iba tatalokba ya süoki ia bilemba lemsatepogo aser ashiba agi, agency ajak sendaktepa tekümzükba maparen inyakdar.

Rajasthan sorkari Rampura school ki tasen yanglutsü tuyu

New Delhi, Luroi/August 23 (Agencies): CJP puri longkak aitba sülen Rajasthan sorkari Rampura nung school ki tasen ka yanglutsü tetuyuba agütsüogo.

Hokolbarnü Cockroach Janta Party (CJP) züngsemtem Jaipur, Bagru Assembly constituency kübok Rampura Kanwarpura yimtsüng nung school ka semdangi aoba mapang maka liasü.

Rajasthan sorkari iba school atema ki tasen ka yanglutsü tetuyuba agütsüogo aser mapa ya 2026 küm September 1 nü nungi tenzüksü, ta Honibar aonung menor sangdong ka ajanga metetdaksü.

Sorkar tetuyuba nung school ki tasenba ya kaketshirtem angazüksü atema jenjang junga kümdaksütsü nükjidong nung yanglutsü ta shia lir. School ya District Mineral Foundation Trust (DMFT) nungi sen lakh 12 aser MLA fund nungi sen lakh 6 ta ajak senteper sen lakh 18 entoka yanglutsü.

Rajasthan sorkari state ajunga nung sorkar school tem indang infrastructure

yanglushitsü sentong aliba sangdongba sülen tang iba school ki yanglutsü tetuyuba agütsüogo.

Chief Minister Office sangdong ka ajanga ashiba agi, Chief Minister Bhajan Lal Sharma tetuyuba nung küm asem tsüngda sen crore 12,500 entoka sorkar school tem yanglutsü asoshi roadmap ka renema lir.

Iba sentong ya 2026-27 nungi 2028-29 financial years tsüngda benoka inyaksü aser iba yagi district 41 prongla ayimjemtsü.

Sentong nung school ki tasen 3,587 atema sen crore 2,487.75 entoktsü, classroom tasen 83,783 atema sen crore 8,378.30 entoktsü, school 22,589 yanglushitsü atema sen crore 1,129.45 entoktsü aser metsümeshidak tasen yanglutsü atema sen crore 340.40 entoktsü.

Küm ishika tsüngda benoka inyaksü aliba sentongtem dak alaka sen crore 3,006.34 entoka school tem yangludat mesüra yanglushidar, ta sorkar sangdong ajangasa metetdaksü.

Rong yanglutsü aser yanglushitsü atema maongka tajung lir: Rajnath



New Delhi, Luroi/August 23 (Agencies): Union defence minister Rajnath Singh-i Deobarnü Kolkata nung ashiba agi, maritime industry nung demand aser production na tsüngda apu latsür ka akümtsü asoshi India atema tang maongka tajung lir.

"Rong tapu balala atema takhangba tali kümdar. Asenok navy-a atsülanga odar aser yamaji maritime defence nunga tetsüdaksü timba küma odar. UK amala linük aika tzüyim nung tashi atsülangshia parnok yimli atsülanga ogo. Ajisüaka tawa rong yangluba tashi ajema küma odar. Alima ajunga nung rong yangluba nung tawa ka lir. Iba ya India asoshi maongka tajung ka lir," ta Singh-i ashi.

Defence minister yagi Nav Ratna PSU, aser Yantra India Ltd meyong Garden Reach Shipbuilders and Engineers (GRSE) atema sen crore 3,500 alang expansion project pongu asoshi nüngshilongtem virtually azüingja liasü.

Item project tem nung shilem ka ama GRSE-i, Hooghly ayongküm nung shipyards ana aser Raichak nung ali acre 32 nung amendaker aliba facility ka asoshi Syama Prasad Mookerjee Port, Kolkata

(SMPK) den tenangzüktepba yangluogo.

"Rong yangluba nung temelenshi adokba kuli aika lir. Kuli kaji rong ka yanglutsü atema küm pongushi agir aser rong yangluzükba mapang tashi nungbo rong nung system aser weapon balala amshiba technology ya outdated kümatoker alir," ta Singh-i ashi.

"Asenok rongnung putu tasenba engineer aser IT expert tem lir. Asenok ya rong design asüba world-class hub ka kümtettsü. Asenoki design tem export sütettsü. Rong yanglutsü atema-a asenok ket nung nübu peria lir, koba linük aika nung sama odar. Asenoki asen manufacturing capacity modernise süra India ya alima nung maritime hub tulutiba akümtsü," ta Singh-i ashi.

"Ano asenok ya Indian Ocean temeket nung rong yanglushiba tongtibang tesem ka kümtettsü. GRSE-i iba ya-a bilemetsüla. Asenoki tanü tenzüka project tem ya alima shishilembadak aziüoktsü asoshi jenjang ka asütsü," ta pai ashi.

Sentong nung Chief minister Suvendu Adhikari-a aden aser pai state nung senotsü aika entokba atema Singh danga kanga pelaba lemsatep.

Jharkhand: Police & kaketshirtem mangatettepadokbasülen FIR 3 benokogo

New Delhi, Luroi/August 28 (Agencies): Jharkhand kübok Giridih aser Hazaribag nung mapa bushirtemi longkak aitba mapang police den mangatettep adokba sülen tenüng tetshia nisung 28 aser tenüng metetshi-i nisung 900 anema FIR asem benokogo, ta ketdangsürtemi Deobarnü metetdaksü.

Ranchi kübok Kotwali police station nung nisung 14 aser mejangjaba nisung 200 anema FIR asem benokba sülen anogo ka lir tang FIR tem benokogo. Sorkar mapa nung tetsüdaksü adokdaksüba aser police tem den raratepba atema ken o ya benokogo.

Giridih nung Hokolbar aser Honibarnü mangatettep adokba

dak sendakba nung Town police station nung FIR ana benokogo aser sorkar mapa nung tetsüdaksü adokdaksüba aser police tem dak teka sangshiba atema Hazaribag nung ano FIR ka benokogo, ta ketdangsürtemisa shisem.

Jharkhand recruitment tatidang nung inyakyim meshidakba anema Hokolbarnü kaketshir noklang aikati Gandhi Maidan nung adenshia longkak aita aser Chief Minister Hemant Soren indang noksa rongtokja liasü. Iba mapang police aser kaketshirtem mangatettep adok.

Hazaribag district nung tenüng tetshia nisung 18 aser tenüng metetshi-i nisung 700 shi anema FIR ka Korra police

station nung benokogo. Parnoki sorkar mapa nung tetsüdaksü adokdaksüba aser August 21 nü Soren noksa arongtsü merangba mapang police tem dak azükba atema ken o ya benokogo, ta Hazaribag Sadar DSP Rupak Kumar Singh-i ashi.

Giridih nung mezüngbuba FIR ya ABVP activist Anish Rai indang application dak ajemdaker benok aser tanabuba ya Sadar Circle Inspector (CI) Manoj Kumar Singh indang application dak ajemdaker benokogo.

Giridih Town police station officer-in-charge-i ashiba agi, mezüngbuba FIR ya JMM lenir, worker tem aser party district tir Sanjay Singh densema nisung 11 anema benokogo.



Jammu kübok Shaheedi Chowk tesem nung tzünglu kanga sashia aruba den mopung aonba ajanga ki tejen ka chirepba sülen nüburtemi ki teraksa asadangba noksa nung angur.



TIR YIMYIM YIMOBILEM (EDITORIAL)

DIMAPUR MONDAY, AUGUST (LUROI) 24, 2026

Nia kechi nung yaritettsü ?

WhatsApp telok ka nung YouTuber kati Dimapur nung Aor tambur meshimetsür ka den sensaksemba noksa ka reprangdang kanga temulung shia reprangogo. Atangji, Aor ta asüandang, aji koyimer aser shir kinunger ta metetner, aji alima nung nisunger yimya. Iba jagi asenok aikati iba ama meshimetsür tambur ka angudang par yimer, par kinunger aser par arogo ta temulungjangi aiter. Iba jagi, iba ama nisung kar teyari nüngdaka angudang asenoki asenoksasa asenbo amadoker aser tangar dak dang rangloker aser tangar dak dang imlar. Idangji, aseni memeteti asen nem tangar yaritsü agütsüba mapang tajung ka meyariteti süidaktsür. Aji oda, asen temoatsü angutsüba mapang tajung ka ser nung asenang tai tuluka menar toktsür. Ajisüaka, kodangsa asenoki Dimapur ama tesem nung asen nisung meshimetsür kümer angur, ibaji par yimer aser kinunger mapa amato meblemetsüla aser arogo-ia teinyaktsüka meinyaker amai meblemetsüla, kechiyong asenoki iba nisungji meshimetsür akümtsüsa akümba tia aser otsü indang memetet. Ashiko, pa tashi mangaba ajanga par kinungertemi sentok asütsüa akok aser arogoia yarir ser nung majunger asütsüa akok. Aji oda, kinungertem aser arogo otsüji tongtibang masü saka tanü tensa pa tiaji tongtibang, paji yeyarir nüngdaker aser aji aseni angur, anungji paji asen kinunger, asen yimer, asen arogo pur aser talisa Lashiba nung ashisang asen kiyonger to lir, anungji par kinunger, par yimer, par kin aser par arogo nüng asentsüba masü saka asenia pa atemaji kechia inyaktettsü aser kechiyong nung yaritettsü ta bilemdanga inyaktsüba mapang aji kinungertem aser arogo otsüji tongtibang akümer. Aji oda, asen ajanga süi majung lenmang nung long ka ajungdaka ngura, idangji PWD pur aija parnok aru atatsüba masü saka aseni shinga daka meimlai aseni asensasa ajungdoka endoktsü nüngdaker. Ajisüaka, asen tia majung aseni aiben asen taküm, mapang aser asen akaba rongsen yabo tangar nüngdak asoshibo tak ta mekongshitsü, item ajakji mejeteta asen atema dang amshitsü bilemer. Iba jagi, kodang tangar nüngdakba purtem angur mesüra yimkong asoshi teblemetsü ajurur, idangji asenoki asen ya amadoker aser tangari yaritsüba ser nung meyariba amai dang asen mulungjang nüki agi angur. Aji oda, meshimetsür tambusang amaji tanü asen loktiliba nung asenoki inyaktsüba mapa aser benloktsüba khuret aika lir. Ajisüaka, asenoki item mapa aser khuret lemsateptsüba nungjibo asen maden amai bilemer, anungji timtemer yaritsüba mapatemji arogo mapa amai bilemer, anungji yangji asen maden. Kasaji Tsüngrem temeim osang agi temenen purtem kumzüksüba mapajia arogo mapa, asen mapa masü ta asenoki bilemer. Aji oda, tanü asen lima yimten mapatem ajak nung ochimashi agi sünga lir, anungji item ochimashi mapatem anemaji osangbener, YouTuber, RTI activist aser Kaketshir aser Lanur Telungjemi inyaktsüla, yangji asen maden, anungji asenbo nüngsena magitsü aser anogo ka nüboa matsüksü ta asenoki bilemer. Iba amaji nüngdakba purtema, aseni masü, tangari yaritsü aser yimkong ajungtsü asoshia tangari nüngsen agia inyaktsü. Asenbo aseni inyakba nungi anguba agi asen nüngdakang meperitet inyakpet inyaka atatsü aser arok agitsü aser ajangzüksü asoshibo tangar nemang rongsen tenladaktsütsü, nüboa tsükdaktsütsü aser nüngsena agidaktsütsü. Joko, iba amaji asen asoshi dang bilema melii asenokibo asen kin asoshi dang masü saka Naga kin ajunga asoshi nüngsen agia jembitsüla, rongsen endoktsüla aser nübotsüka aremtsüla.

OLEMSABANG

TEMESEPBA (ALCOHOLISM)

~ Mr. Maong Jamir,
Secretary, Finance and Property, ABAM

(Iba ocet ya Ao Theological Association (ATA)-i adokba Laishir
Sangdong nung angutsü.)

(Yashi adok nungi...)

4. NLTP act 1989, takok asü tamakok?:

NLTP Act 1989 ya Governmenti jangraba mapa ka masü, saka Nagaland Baptist Church Council aser iba kübok aliba mungdangtemi küm 28 raraa kangzükalemtetba ka ta asenoki otsütem ajanga angateter. Küm aika rarar külen tatem nung Aami (June) 23, 1989 küm6 aku nungi tasü tait Tsüngrem tenzükertem parnok 125Phoolbari, Kohima Assembly Hall jakdang pei taküm bendanga agütsütsü tenangzükba nung anepdang aser sangwa metitemi lumintsü tenzük. Iba lumiba mapang parnok tenzük ter tashi hospitali bener ao. Khonta 81 lumir sülen Aami (June) 26, 3 aku nung 'Total Prohibition bill' assembly nung benoka jembia agizükba osang aru. Governmenti tashi angatsüsa NBCC aser Mungdangtem nem Tsüngremi aküm aser tashi ka agütsüba, iba ya ajanga sayur. Talangka rara-erNLTP Act. 1989anguba ya takok tulu anguba ta asenoki ashitsü akok.

NLTP act. 1989jitakok tulu anguba, saka iba act ji meinyakra tamakok ta asenoki ashitsü akok. Iba ozüng asen lima nung benoker joko Küm 35 tema aor. Tanü asen tendak reprangdangra kinük-kisang ajak nung yi bulua ayoker, aser yi jemertem tali tali dang akümer. Hau, akidang ama lenmang nung raratepba mesüra kibong nung rarapangsenba tajemba (less) kümogo. Saka iba ya ajanga tajemer tajemba kümogo ta ashitsü makok.

NLTP act.1989 ya shitak beshira (letter and spirit)asen lima nung tulutiba nungi shir tilatiba tashi nisung aika merenshir lila. Saka tamakok kaji, NLTP actji zülua toktsürmapa agi inyaka mesayutetba ozüng ka dang kumadok.

Asen tsürapurtemi par putu nung angatetba yari tajungtiba mapa inyakogo. Par mapatem maitsür. Saka iba ozüng kangzükba nung tashimaitba ka ni ajitetba lemsatepner. Atangji yi ajanga kija taküm, kibong aser lokti kanga menentsür. Ibaji dang masü, taküm jenti anojungi yi tashidak agi süogo. Anungji yi ya nokdangtetra, mesüra yi ya mangura yi ajemertem matoktsü aser teblemetsütem tajemba akümtsü ta bilem südi.

Hau, yi ajem tenzükba kuli aika rongnungibulua anguba(availability) yakuli ka lir. Saka yi ajemtsü tenzükba kuliji bulua anguba ajanga dang tenzük ta bilema inyakra ibajibo mabensai inyakba lir. Anungji bulua anguba kuli dak alaka tanga kulitemabushiteta inyaktsü asoshi asalentong (startegy) kecha meyangu. Odang Yi noktanga nung dang akang akanga noktak.

5. Demand Reduction aser Supply Reduction:

Demand reduction :Yi aser temesüpba chiyungtsü noktangtsü, azüoktsü asoshiDemand Reduction aser Supply Reduction ya külemi inyaktsü nüngdaker. 'Demand reduction'ta süra yi ajemer, yi bushir tajemba kümdaktsütsü asoshi asalentong balala inyakba mapa dang ajar. Tatishistü agi, yi ajemba ya kechi nungi tenzük ta tera/ kuli bushiteta iba asoshi nüburtem nem tangatetba tajung agüja sentong balala agir.

Supply Reduction: 'Supply Reduction' ta süra yi belenba, yi shishilembaba, yi anguba tajemba kümdaktsütsü asoshi inyakba dang ajar. 'Supply reduction' nung tatishitsü tajungtibaji NLTP act 1989 ya lir. Ano yi tokan melapokdaktsüba, lenmang nung ghari sota reprangba, town aser yimtsüng sasep nung yi maitdaktsütsü asoshi ozüng takang yangluba ajak ya lir.

Tanü NLTP act 1989 ya supply reduction mapa ka lir. Supply reduction asoshi mapa jenti inyakaka, **demandji** ali tashi **supply** ji menoktangtettsü. Tanü yi jemertem tali adokbaji NLTP act 1989 (Supply reduction) tashi maitba den külemi yi mamshidaktsütsü (demand reduction) asoshi tesayuba peria magütsüba ajanga lir ta angateter.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

SIBS Bangarapet alumni tem Kohima nung ademshi



Dimapur, Luroi/August 23 (TYO): South India Biblical Seminary (SIBS) Bangarapet indang 1985-1988 batch tem anogo pezü Alumni Meet (August 16-19, 2026) atema Kohima nung adensh9ia liasü, koba "Bless the Lord, O my soul, and forget not His

Khristan tsür temi pei alidak nungi balatettsü: Kerala High Court

Wayanad, Luroi/August 23 (Agencies): Khristan tsür tem kinungbur kidang nungi ainshir pei telidak tesem nungi balatettsü ta southern India nung provincial court kati obendang agütsüba arogo lenirtemi pela agizükogo. Kidang mepetmesü adokba mechi Khristan tsür kati la kinungbur kidang nungi balatsü ken o benokba nung Kerala High Court ajanga August 19 nü iba obendang ya agütsü. Tetsürla ya Kerala state kübok Wayanad district nung alir, aser family court kati la dang Kasargod district nung la kinungbo aser par kibong alidak application agütsütsü totuyuba agütsüba anema ken o ya benoka liasü. British nunger mapang yangluba Indian Divorce Act, 1869 yagi India nung Khristanpur atema kibong balalulaba indang shia lir, kong tetsüri kibong akumba tesem nung mesüra kinungbo aser kinungtsü aliba mesüra parnok tesüsa aliba tesem nung family court dangi ken o abentsü shia lir. Lai High Court dangi temepishiba ken o benokba nung, iba tenokdangba ya ajanga Khristan tsür tem balatsü ken o benokba nung timtem tulu ajurur, ta ashi. Tetsürla yagi family court ajanga taoba mapang

benefits" omen kübok Koinonia Baptist Church ajanga ayongzüka liasü. Alumni tem ya Maharashtra, Gujarat, Kerala, Andhra Pradesh, Karnataka, Chhattisgarh, Uttarakhand, aser West Bengal densema India linük ajunga len nungi linük aser

alima asoshi lungjemer sarasademtsü adenshia liasü. Iba sentong nung Rev. Dr. Zotuo Kiewhuo (Founder & Senior Pastor, Koinonia Baptist Church, aser Principal, Kohima Bible College) ajanga Tsüngrem o jembi aser alumnus temi takum kuli tem lemsatepa liasü.

obendang agüja aliba anema Kerala High Court nung ken o benoka mangatettep adoka aliba nisungtem alidak meta talangi la motettsü ta shia liasü. Hindu Marriage Act, 1955 aser Special Marriage Act, 1954 kübok tsürtem pei aliba tesem nung family court dangi aotsü melar, kobao tamangba yimsü, caste mesüra linük balala nungi nisungtem kibong kumdaktsür saka Khristanpur kibong akumba ozüing nungbo yamaji mali, ta lai ashi. Single-judge bench ajanga June 30 nü obendang nung lai benokba ya shidak ta agizük saka la nem temelaba magütsü aser ozüing yanglushitsü nüngdaker aser aji inyaktsü Indian Parliament mapa lir ta ashi. Ajisüaka obendanger-i iba totuyuba ya federal sorkari dangi yoktsü aser 1869 ozüing ya yanglushinung ajungtsü ta shia liasü. Lai iba sülen Justices A K Jayasankaran Nambiar aser Preeta A K indang High Court division bench dangi ken o aben aser lai nem temelaba agütsü. La kibong akumba tesem mesüra apuani ama tesüsa aliba tesem nung mesüaka la tang alidak family court nung application agütsütettsü, ta obendang agütsü.

Arogo lenirtemi iba August 19 obendang ya kanga shisa kaa agütsüogo ta tenüngsang agütsü. Commission for Canon Law of the Kerala Region Latin Catholic Bishops' Council indang secretary Father Ebigin Arackal-i ashiba agi, "Tematiba court-i kanga shisa kaa obendang agüja küm aika Khristan tsür tem ajemshia amshiba tatem kumtsüba asoshi kanga pelar." Kerala indang Idukki district nung okatsür Aleykuty P T ajanga ashiba agi, Khristan tsürtem aiben pei kinungbur aliba tesemi odaktsü, koba ajanga parnok temulung nung anisüngzük mangu aser mapang ka-ka timtem ajurua liasü. "Tang iba totuyuba nung ajemdaker parnoki mulungba tesem nung application agütsütettsü," t alai UCA News dang August 20 nü ashi. Kerala nung obendang agütsüba ya tanga states temia amshitsüla, ta Supreme Court nung okatsür Govind Yadav-i ashi. "Ajisüaka federal sorkari colonial-era ozüing ya meyanglushi tashi Khristan tsür anema tebendang ya maneni alitsü," ta pai ashi. India nütsüng yongsük 1.4 billion dak tema aliba nungi Khristanpur shilem 2.3 aser Hindu nunger shilem 80 shi lir.

ANO GO ABEN TSÜNGREM DEN

Khrista kangki

Saka ano asenok temenenpur alidang asenok atema Khrista asü nung, iba jagi Tsüngremi pa pei temeim indang asenok nem kuli agütsür.
(Rom 5: 8)

Khristan tem tangar dang nungi temoatsüba ta kechiba jembir? Kechiaser, asenok ano temenenpur alidang asenok kümzüktsü asoshi Khrista asenok asoshi sudaktsü. Tsüngremi alima meim nung pei ajaso chir agutsü. Asenoki pa dang meim masu, saka pai asenok meim nung asenok temenen nungi alangzüktsü asoshi pa chir yok. Item kulitem ajanga asenok tamang kuliji kangki teyongtsü kümdaktsür. Asenoki Paul den ya shidi, Tsüngrem, ni Kibuba Yisu Khrista kangki dak alema tanga kecha mouludaktsütsü ku dang yariang.

Pope Leo-i Lebanon Tir Joseph Aoun den ajurutep

Vatican, Luroi/August 23 (Agencies): Pope Leo XIV-i Lebanon Tir Joseph Aoun ajurua Vatican-i US teyari nung Lebanon aser Israel tsüngta arütsü tezüngzüktep yangluba mapa kuma meinyakteti aliba tebilemstü lemsatepa liasü. Aoun-i August 20 nü pope den ajurutepba sülen Cardinal Pietro Parolin, Vatican secretary of state aser Archbishop Paul R. Gallagher, Vatican foreign minister ajurua United States, Israel aser Lebanon-i zülutepba "Trilateral Framework Agreement" indang jembia liasü, koba Republic of Lebanon south tsütsü arütsülen tensa tajungba kumdaktsütsü aser yimjung lidaktsütsü nükjidong nung zülutepba lir, ta Vatican ajanga sangdong ka nung ashi. "Holy See-i iba tezüngzüktep zülutepba atema temulung asüba lemsatep aser mapa kuma inyaktsü asoshi timtem ajuruba nung tebilemstü akaba indang shia iba atema yariteptsü mulunga aliba lemsatepa liasü," ta sangdong nung ashi. June 26 nü United States tetsüngtai ia zülutepba 14-point agreement nungya southern Lebanon nung tsükchitep tembangtsü asoshi Iran-i yariba Hezbollah telungpur teloki nok-nü yutsütsü aser Israel sepaitem ainshitsü asoshi sentongtem lir. US aser Israel nati Iran dak amakba nung telangzüba agüja Hezbollah-i March 2 nü Israel dak rockets khalokja rara ya tenzük. Ceasefire liaka Israel-i maneni tayimtsü amshia southern Lebanon amaker,

koba Hezbollah-i amakba atema telangzüba agütsür ta ashir, shirnoki agreement nung par telok disarmament atema shia aliba magizüker. Lebanon indang health ministry ajanga August 19 nü osang ka sangdongba nung, iba rara tenzüker nisung 4,300 dak tema tepsetogo aser 12,300 dak tema yiruogo, ta ashir. Ano August 20 nü Lebanon tir indang office ajanga sangdong balaka agütsüba nung, Aoun-i Pope Leo den minute 30 senden amendang Lebanon-i Israel occupation tembangtsü aser par litsü nung amakba anentsü akhangba nung pope-i bhukumba lemsatep, ta ashi. Aoun-i pope dang maneni iba framework agreement nung shia aliba ama inyaktsü asoshi Israel ajungshitsü ayongzüka liasü. Cardinal Parolin aser Archbishop Gallagher den senden amendang Aoun-i Lebanon indang tensa aser Israel-i tanen makai Lebanon nung yimtsüngtem, ki o jen aser civilian dak amakba indang lemsatepa liasü, ta sangdong ajanga ashi. "Senden anaprong nung Tir Aoun-i Vatican dang Supreme Pontiff-i tesüsa Lebanon semdangba sülen par linük yariba atema pelaba lemsatepa liasü," ta ashi. Tir Aoun-i Holy Father aser Holy See dang occupied Lebanese territories nungi Israel nungeriem ainshidaktsüba nung Lebanon yaritsü, Israel-i raksatsür aliba yanglushitsü atema lenmang lapoktsü aser tesem balala nung prokshia alirtem pei yimtsüingi meyipa aruba nung yaritsü ayongzük," ta tir indang office ajanga ashi.

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Züngzünger

(adj) temulung nung mamai ayuba, kümdanga inyakba (meticulously, conscientiously, good in memory)

*Moala kanga züngzünger, anungji mapa nung aibelen masütsü.

Züngzüngtsü

(adv) tenarong nung meinprongba ola (ringing sound inside ear)

* Temang nung tashi maitba mapang tenarong nung züngzüngtsü atur.

OLONG PAITEP # 76028

	1	2			3		4		5
6							7		
					8		9		
			10						
11									
				12					
13		14		15					16
17							18		

TIPLIN

1. Inyaker ajangtetba
3. Bangsemo adokdak
6. Shitak mesüi inyak
7. Ya mimong nung angur
9. Reprangzük
10. Tasola
11. S _____
13. Yagi ajak ashioktsür
15. Ki aokba oset
17. Ak shi nung inokba tasen
18. Ishika

-

(3)

-

(5)

-

(7)

-

(3)

-

(4)

-

(5)

-

(4)

-

(3)

-

(7)

-

(5)

-

(3)

LANGTSÜNGLEN

1. Meshidak
2. Tanaben soshir
3. Iba anogo
4. Meshi
5. Yagi mi tsükloker
6. Shi tapu ka
8. Yagi ayimer saka ozü masü
9. Ajokba shiruru ka
12. Inyaktet
14. ____ hi
16. Akümüli nungi pilar

-

(3)

-

(7)

-

(4)

-

(3)

-

(9)

-

(9)

-

(3)

-

(3)

-

(3)

-

(3)

OLONG PAITEP # 76027 TELANGZÜBA**TIPLIN :**

1. Telok, 4. Aluru, 6. Ozüing, 8. Emk,
9. Kin, 10. Teti, 12. Süir, 13. Jen,
14. Ola, 16. Talak, 17. Mazük.

LANGTSÜNGLEN :

1. Tenükjang, 2. Luden, 3. Kiooktsü,
5. Lenti, 7. Tajangzük, 11. teronem,
12. Sempa, 13. Jahaz.

NAI-A YA METETTER

Chinese smartphone manufacturer Honor-i yanglutetba Lightning ta ser robot kati second 9.32 nung 100m asemteta meimchir indang world ?record ajatetogo.

August 22, 2026 nungi tenzükba World Humanoid Robot Games nung Lightning ajanga iba otsü tasen yanglutetogo.

Küm 17 tejakdang Berlin nung World Athletics Championships alidang Usain Bolt-i second 9.58 nung asemteta 100m world record yanglua aliba Lightning robot-i ajatetogo.

Assam nung land rights activist Pranab Doley chioktsü akhanger

Guwahati, August 23, 2026

(Agencies): Guwahati nung Honibarnü Opposition party tem aser several civil society teloktemi tatemzükba kecha melii land rights activist Pranab Doley chioktsü aser pa anema National Security Act (NSA) benoka aliba agentsü takhangba agütsüogo.

Iba sentong ya Bhumi Adhikar Joutha Sangram Samiti (BAJSS) ajanga ayongzük. Assam sorkari Doley anema NSA benokba ya land rights movement ajembangtsü aser lisopur kintem temeten mejembidaktsütsü atema lir ta parnoki aitsür.

Doley-i Kaziranga anasa Inglay Pathar nung Hyatt luxury resort project anema noktaker aser July 12 nü pa apu. July 29 nü pa nem bail temelaba agütsü

saka tasüngji state sorkari pa anema NSA benoka liasü.

Tatemzükba kecha melii Doley mechiok tashi aser NSA magien tashi onoki lungkak aitsü. Activist kati ali aser terenlok onüktem atema inyakba nung kodaser NSA benok ta BAJSS convenor Subrata Talukdar-i asüngdang.

Iba sentong nungsa o jembirtemi Karbi Anglong, Dima Hasao, Rabha Hasong aser Tiwa regions nung lendong alibattem lemsatap.

Lungkak aitertemisa sorkari Kaziranga National Park meketa Eco-Sensitive Zone melenshitsu ta asüba aitsü.

"State sorkari activist tem apuba ajanga land rights movement tashimait kümdaytsütsü meranger. NSA amshiba ajanga lungkak

aitertem tsübudaktsütsü aser organised campaigns nung kongshitsu akok" ta Raijor Dal president & Sivasagar MLA Akhil Gogoi-ia ashi.

Assam Jatiya Parishad (AJP) president Lurinjyoti Gogoi-ia Doley apuba aitsü.

Sensotemi ali aser tanga public tebilemtsütem atema ola adoktsü ozüngi melar. Maneni Satellite Township Bill magizüker kechiyong iba ajanga lisopurtem dak kongshitsu ta Lurinjyoti Gogoi-ia ashi.

Iba sentong nung Congress, AJP, Raijor Dal aser Autonomous State Demand Committee (ASDC) lennirtem den Kaziranga, Karbi Anglong, Dima Hasao, Rabha Hasong, Bodoland Territorial Region (BTR) aser Tiwa areas nungi land rights groups aser tanga teloktem aden.

Manipur sorkari silver & bronze angur nem mapa agütsütsü

Imphal, August 23, 2026

(Agencies): Manipur sorkari National Games gold medalists 71 tashi Youth Affairs and Sports Department kübok Physical Education Teachers ama aniokogo.

Külen, Chief Minister Yumnam Khemchand Singh-i silver aser bronze medalists-i sorkar mapa angutsü atema recruitment policy tasen ka tenzükba osang metetdaksü.

Department of Youth Affairs and Sports-i Honibarnü Khuman Lampak Indoor Stadium, Imphal nung sentong ka ayonga agidang appointment letters lema agütsü.

Chief Minister Khemchand-isa Glasgow Commonwealth

Games 2026 nung India tenüng nung shilem agir Manipuri saisapongertem nem tetushi agütsü.

Iba sentong nung Mirabai Chanu nem Rs 20 lakh aser certificate of recognition, Chanambam Rishikanta Singh o Mayengbam Jadumani Singh na shia nem Rs 15 lakh aser Sorokhaibam Bindyarani Devi nem Rs 10 lakh agütsü.

Maneni Glasgow Games nung shilem agir shia nem Rs 4 lakh den kulikakettem agütsü.

Manipur nung sports recruitment policy tasenba kübok state sorkari temsüa aliba saisapongertem merit aser transparent process ajanga sorkar mapa nung shimoktsü.

Tang tashi nung gold medalist nem dang mapa agütsü saka policy tasenba ajanga silver & bronze medalist nem state sorkar mapa agütsütsü ta CM Khemchand-isa ashi.

Youth Affairs and Sports Department kübok National Games gold medalists 71 dak alia Home Department kübok saisaponger tenet nem appointment letters agütsüogo.

Chief Minister Khemchand ya Taekwondo nung fifth-degree black belt angur ka lir aser pai saisapongbaren kanga junga angateta lir.

Iba sentong nung Deputy Chief Minister Losii Dikho aser Manipur Chief Secretary Puneet Kumar Goel naprong aden.

DR Congo & M23 telok na yimjung atema sensaksemtsü mulungtepogo



Kinshasa, Luroi/August 23 (Agencies): Democratic Republic of the Congo (DRC) aser M23-i aniba telungpur teloktemi yimjung atema sensaksemtsü atema roadmap ka yangluba agizükogo, ta külem sangdong ka ajanga metetdaksü

Yimjung atema sensaksemtsü asoshi mulungtepaka linük anüolen item teloktem tsüngda maneni raratepdar.

Honibarnü külem sangdong ka ajanga ashiba agi, telok ajaki Qatar yimtiba Doha nung November ita framework agreement ka nung sign süteper aliba kübok jengangtem tatongi yanglutsü aser sensaksemtsü asoshi mapang atakzüka ayutsü atema roadmap ka yangluba agizükogo.

Switzerland nung August 17 nungi 21 nü tashi anogo pongu sensaksema sülen iba roadmap ya yangluogo.

Iba senden nung United States, Qatar, Togo, Switzerland aser African Union Commission nungi lenirtemia shilem agia liasü.

Telok ana yagi ashiba agi, ceasefire anema inyaksangshiba metetdaksütsü atema inyakyim ka agizükogo aser Doha nung nangzükteper aliba onük balala benoka inyakaba mapang tetsükdaksü adokbatem bentettsü asoshi inyakyim ka amenoktsü.

Ceasefire verification mission ka South Kivu province kübok anütolen Minembwe tesemi Hombarnü aotsü renema

lir. Iba ita tetenzüklen DRC-i Congo River Alliance (AFC) aser M23 nem tepuoker 15 meyipa agütsüogo.

Yimjung atema inyakyim nung shilem ka ama iba ya International Committee of the Red Cross-i ketdangsüa inyaktepogo.

Ajisüaka linük kübok tesem balala nung tesa mejungi lir aser telok ana tsüngda maneni kanga sashia raratepdar.

Honibarnü AFC/M23 otongdar Lawrence Kanyuka-i ashiba agi, DRC coalition forces-i kamikaze dronetem amshia anüng ajanga Minembwe tesem nung nisung aika aliba tesem maka liasü.

"Item tesemtem nung bomb pokloksüba ajanga civilian tem aika taküm samar aser civilian infrastructure tem raksatsür," ta pai X ajanga ashi.

Ajisüaka iba osang ya shitak asü masü aji Al Jazeera-i mejangjateti liasü.

United Nations-i July ita sangdong ka ajanga, eastern DRC kübok North aser South Kivu province nung security tensa tamajungba küma odar, ta tekümdangtsü metetdaksüogo.

Rara nung aliba teloktemi drone tem amshia kati ka maktepba ajanga tensa tamajung küma aoba süoki ia bilemba UN-i lemsatapa liasü.

Rara ajanga linük mesüngjemeti aliba mapang ano linük nung May ita nungi Ebola tashidak putetba ajanga linük nung mepetmesü tulu adoker lir.

Iba tashidak yagi DRC nung

nisung 2,500 shi taküm samaogo aser tang tashi mazüokteti tashidak menatepa odar.

Eastern DRC nung rara ya asendenshir 2021 küm nungi tenzükshia liasü. M23 telungpurtemi linük kübok tesem balala amak tenzükba sülen mepetmesü tenzükba liasü.

Iba telungpur telok yagi Goma aser Bukavu province indang yimtibatem densema tesem aika atsüngyonga oa liasü. Ajisüaka province yimtütem yabo 2025 küm meyipa agiogo.

Iba rara nung nisung aika tepsetogo aser nisung million 5.3 shi pei talidak kidang nungi jenshia aotsüsa kümdaksüogo.

Iba mangatettep ya 1994 küm Rwanda nung extremist Hutus teloki Tutsis nungertem samatsütsü merangba aser Mobutu Sese Seko-i aniba sorkar chirepba dak tera yangloka lir.

DRC, United Nations aser anüolen aliba linüktemi M23 nem sepai aser prangbong injang balala teyari agütsüba atema Rwanda aija arudar, ajisüaka Kigali-i iba taitsüba ya shitak masü ta shia arudar.

Rwanda-i meyiper Democratic Forces for the Liberation of Rwanda (FDLR) amala Hutu telungpurtem nem teyari agütsüba atema DRC aija arudar, koba Kinshasa-i magizüker.

Taoba küm US teyongtsüü ia DRC aser Rwanda na tsüngda yimjung atema tenangzüktepba tanga ka yangludaksüogo.



Lokayan 26 transoceanic expedition nung shilem ka ama Indian Navy indang sail training ship, INS Sudarshini nung navy ketdangsürtem mener August 23, 2026 nü Lisbon, Portugal tonga arudang tangokba noksa ka yangi angur.

Canada-i US dang tayang kepzüka tariff meshitsü

Ottawa, Luroi/August 23 (Agencies): United States-i Canada nunger indang sen \$20 billion jengang oset nung tax shilem 50 meshitsü sangdongba sülen Canada Ato Kilonser Mark Carney-ia US dang tayang kepzüka tariffs meshitsü sangdongogo.

Carney-i Honibarnü Ottawa nung jembidang, Canada indang tariff tasenba yagi US indang steel, diary aser electronics industries nung tenük yoktsü aser September 8 nungi tenzüksü ta ashi.

"Canada nunger mapa inyaker, aluyimer, kibongtem aser businesses kumzüka ayutsü mechi Washington indang tariffs tasenba den sako meshitsü," ta Carney-i osangbener dang ashi.

Anogo ishika jembishinüba nung telemtetba tajung kati maruteti Hokulbarnü tembangba sülen iba sangdong ya agütsür, anungji mapang talangka nungi külem shishilembar aser tembar linük ana tsüngta tesendaktep tamajungba kumdaksür.

US Tir Donald Trump indang tariffs tasenba ajanga wine, furniture, dairy products, cement, clothing, fishing rods aser hockey osettem densema sen \$20 billion jengang osettsüset nung kongshir mesüra Canada-i US dang ayokba shilem 5.5 alitsü.

Carney-i sangdongba nung Trump-i telangzüba agüja, "Canada-i linük ka ama tajangzüik aginer, saka parnok linük ka masü!!!" ta Truth Social nung ashi. Canada-i US aluyimer dang küm aika rariffs

aika meshia arurogo aser aji malitsü, ta pai ashi.

US tariffs anema tayang kepzükba lenir ishika rongnung Carney ka ya lir aser Canada export shilem 70 jungnüa US dak metaloker lia aruaka trade aser military alliances tasen yanglutsü ta nangzüik.

Taoba mapang jembishinü junga liaka Trump-i magizüktettsüsa conditions agütsüba sülen US den jembishinüba raksaogo, ta Carney-i Honibarnü Ottawa nung ashi.

"Tawa United States-i terms tasen benok aser itemji tim masü aser Canada nunger ajangzüikba nung tetsükdaksü agütsür, anungji tezüngzüktep nung temulung melemteter," ta Carney-i ashi aser US-i akhangba nungya Canada-i trade deals tasen yanglutsüba tashi soita ayutsü dena lir ta ashi.

"Parnoki bener aruba onoki magizükteter aser parnoki meshiba onoki magütsütsü."

Canada-i US indang steel, dairy, appliances, agriculture equipment, pulp and paper, electronics den taoba mapang US-i tenük yokba oset kar nung Canada-i tariffs meshitsü, ta pai ashi. Sorkari anogo ishika tsüngta telangzüba agütsütsü, ta ashi.

US-i tariff tasen meshiba ajanga kongshiba industries tem atema taruba hopta Canada-i teyari agütsütsü mera tem sangdongtsüü, ta pai ashi.

US tariffs tasenba yagi Canada indang rongsenketzüng nung kanga sashia kongshitsü imlar.

Pakistan army tekolakbai Hombarnü Tehran semdangtsü

Cairo, Luroi/August 23 (Agencies): Region nung yimjung aser security bener arutsü asoshi maneni meranga inyaka Pakistan army chief Asim Munir-i Hombarnü Tehran semdangtsü, ta Iran indang foreign ministry odongtar Esmaeil Baghaei-i Deobarnü ashi.

US aser Israel nati February ita Iran dak maka rara tenzükba tatem kati arudaksütsü nükjidong nung Iran aser US tetsüngtai ia jembishinüba nung Pakistan-i shilem tulu agia arur.

Pakistan sorkar indang osang anatia Munir-i Tehran semdangtsü indang jangjatsüogo. Osang mezüngbubai Iran aser Pakistan indang indang-indanga osang agiteper ta ashi.

Tanabuba osang yagi, US Tir Donald Trump-i Iran nem sanctions tesashiba agütsütsü amokmerenba densema tawa rara nung terenlok indang jembitsü, ta ashir.

"Pai (Munir) Islamabad indang MoU nung aliba

yimjung, Trump-i tekumdangtsü ashiba, Pakistan-Turkey-Saudi Arab Agreement sülen tensa aser Houthi ken o Iran lenirtem den jembitsü," ta osang ajanga ashi.

US-i sanctions agütsütsü sentong aliba nung Iran mitkari telangzüba agütsütsü amokmerenba ajanga tensa mejungi kumer lia Munir-i Tehran semdang alitsü. US-i sanction tesashi agütsütsü amokmerena aliba ya shidak inyakra, Islamic Republic rongsenketzüng shiranger ama aliba ano tali tamajungba kumdaksütsü.

Kasa anogo US-i puti otsü nung sanctions tesashitiba Iran nem agütsütsü ta sangdonga lir.

Trump-isa Iran nem yimya balala nung teyari agütsüba linük nem rongsenketzüng tsütsü timtem agütsütsü ta shia lir.

Strait of Hormuz nung totzü abenba rong tem mesenzür, aser Tehran-i temelaba maliba oil tankers tem iba strait ajanga aotsür merangra amaksü ta amokmerena lir.

Lanier ya World C'hips akokba France nunger mezüngbuba asayar kümogo



Luroi/August 23, 2026

(Agencies): Alex Lanier-i badminton puti otsü nung pa tenüng züluoka pa France nunger asayartem rongnung tebur kija asaya nung BWF World Championships akokba mezüngbuba asayar kümogo. Deobarnü pai final asaya nung Japan nunger asayar Kodai Naraoka koka liasü.

Arishi küm 21 tain asayar yagi Indira Gandhi Indoor Stadium nung asaya amokbanger asaya aser Naraoka 21-11, 21-11 agi ayong ayonga koka mezüngbuba world title benogo.

Pa taoba mapang World Championships final khen danga tonga masayadang liasü. Pa ya France nunger asayartem rongnungi iba asayamung tebur kija asaya nung final atonga atema otsü tasen ka yanglur liasü aser tang linük nungi mezüngbuba world champion kümogo.

Lanier-i asayamung tepeyong kanga junga asayaogo aser game ana dang mekoki liasü. Semi-final nung Lanier-i mezüngbuba game makokba sülen tanungba game ana koka Canada nunger asayar Victor Lai 16-21, 21-13, 21-14 akok.

Quarter-final nunga pa defending champion Kunlavut Vitidsarn-i tendangogo, saka pai asaya ya 19-21, 21-16, 21-16 agi koka liasü.

Ajisiüaka quarter aser semi na kanga toktepa asayaba ama mesüi final asaya yabo Lanier-i ayong ayonga dang koka liasü.

Deobarnüsa tarep temeyoktep asaya nung Thom Gicquel aser Delphine Delrue nati top-seeded China nunger tarep Feng Yanzhe aser Huang Dongping na 22-20, 19-21, 21-15 agi kokogo. Tenati iba asaya akokba ya France atema BWF World Championships nung mezüngbuba gold medal liasü.

Kasa asayamung tetsür kija asaya nung South Korea tsür An Se-young-i la indang title kanga junga defend süa Japan tsür Akane Yamaguchi straight games nung kokogo.

World No. 1 asayar yagi kanga junga asaya-a 21-17, 21-14 agi final kokogo.

Tebur tarep asaya nung China nunger Liang Weikeng aser Wang Chang nati Malaysia nunger Goh Sze Fei aser Nur Izzuddin na 21-17, 21-16 agi kokogo.

Australia-i innings ka agi Bangladesh akokba nung Starc-i wicket 10 agi

Luroi/August 23, 2026

(Agencies): Australia aser Bangladesh na Mackay nung tanabuba Test asaya Australia-i innings ka aser run 51 agi anogo ana nung dang kokogo. Tanabuba innings nunga wicket pezü agiba sülen Mitchell Starc-i iba Test nung ajak senteper wicket 10 agiogo.

Deobarnü Aus-i asaya akokba sülen asayamung ya asaya kaka koker tembangogo.

Darwin nung mezüngbuba asaya akokba sülen Bangladesh pur parnok dak kanga temulung lemteta asaya tenzük, saka Starc-i anir fast bowler temi parnok nem timtem agüja liasü.

Mezüngbuba anogo asayar 18 tashi out asüba sülen Australia puri tananübuba anepdang session nung run 210 yanglur asayar ajak out asü aser parnok run 146 agi tejakdang aküm.

Parnok rongnungi Cameron Green-i run (67) timba yanglu.

Bangladesh atema paceman Shoriful Islam-i run 48 agütsür wicket 7 agi, koba Bangladesh nunger bowler tem rongnungi tanga linük nung oa Test asayaba mapang wicket timtiba agiba lir.

Mezüngbuba innings nung Bangladesh team-i run 64 dang yanglu aser Starc-i run 12 agütsür wicket 6 agi aser tanabuba innings nunga pai run 39 agütsür wicket 4 agi. Tanabuba innings nung Bangladesh team-i asayar ajak out sür run 95 dang yanglu.

Asaya nung captain Pat Cummins-i wicket 3 agi aser Nathan Lyon-ia wicket 3 agia liasü.

Bangladesh team nungi batter temi asaya junga metenzüktet aser Shadman

Islam ball asem dang asayar out süatok aser iba sülen taruba ball nung Mominul Haque-a out asüba sülen Starc hat-trick agitsü maongka liasü.

Batter tem rongnung Tanzid Hasan-i run teku yanglu aser captain Shanto-i run 31 yanglua liasü.

Maneni Litton Das (0), Mehidy Hasan Miraz, Hasan Mahmud (2), Taijul Islam (7) nunger ajaki junga masayatet.

Tanabuba anogo asaya tenzükba mapang Australia team-i asayar 8 out ser run 165 yanglur liasü. Green (51) aser Lyon (10) na batting mena liasü.

Green shibai Darwin nung tanabuba innings nung century ka yanglua liasü, tanabuba innings nunga pai run timba yangluogo. Lyon-i run 32 yanglu aser Josh Hazlewood-ia tongtibang run 24 yanglua liasü.



Union minister Mansukh Mandviya aser tanga BRICS Sports minister tem Visakhapatnam nung senden amenba mapa tangokba noksa nung angur. Minister temi saisapong nung tesendaktep akangshitsü atema BRICS Sports sangdongogo. Senden nung BRICS züngsem linüktem nungi lenir 11-i shilem agia liasü.

Serena aser Alcaraz na US Open tarep temeyoktep asayatsü

Luroi/August 23, 2026

(Agencies): Taruba US Open nung Serena Williams aser Carlos Alcaraz na tarep temeyoktep asayatsü.

US Tennis Association-i Honibarnü sangdong ka ajanga Williams aser Alcaraz na nem iba asayamung atema wild card agütsüba metetdaksüogo. Tarep temeyoktep asaya ya Mongolbarnü tenzüksü aser takokertem nem senpet USD million 1 agütsütsü.

Williams 2022 küm sülen tang mezüngbuba US Open nung asayatsü lir. Grand Slam 23 koker alila ya taküm lemluwa nungi asayashi tenzükogo.

Williams US Open nung kija asaya asayatsü sentong mali. Williams-i aginera ta ser USTA-i tetsür asaya atema wild card ka yua liasü ta angateter. Ajisiüaka iba wild card ya America tsür Sofia Kenin nem agütsüba Honibarnü sangdongogo.

Williams Wimbledon nung kija asaya nung shilem agi saka mezüngbuba round makokba nung temekok yiru. La teyi Venus den Cincinnati Open

nung asaya aser tena US Open nunga asayatsü akok.

Kasa mapang nung Alcaraz-i iba hopta pa US Open kija asaya title defend asütsü atema arutsü ta shiogo. Pa tekanük yiruba ajanga April ita nungi masayai liasü.

US Open nung tarep temeyoktepba asaya ya taoba mapang dang nungi balaka asayar, aser anogo ana tsüngda team 16 tokteper.

Asaya kar yiruba ajanga USTA-i asayartem melenshiba sangdongogo. Jessica Pegula aser Taylor Fritz na indang partner tem yiruba sülen tena külemi asayatsü.

US Open mixed doubles team tem: Sabalenka & Novak Djokovic, Pegula & Fritz, Iga Swiatek & Casper Ruud, Belinda Bencic & Flavio Cobolli, Amanda Anisimova & Learner Tien, Sara Errani & Andrea Vavassori, Alex Eala & Felix Auger-Aliassime, Leylah Fernandez & Frances Tiafoe, Taylor Townsend & Alexander Zverev, Elina Svitolina & Gael Monfils, Williams & Alcaraz, Muchova & Mensik, aser Navarro & Paul.

Man City-i Bouaddi atema £86m agütsütsü mulunga agizükogo



nung asayatsüpur ka bushia liasü.

Parnoki Chelsea nungi Enzo Fernandez alizükner, saka pa atema tenanzüktepba ka yanglutettsü meyanglutettsü mejangja.

City-i England nunger asayar Elliot Anderson Nottingham Forest nungi pound million 116 agi alizükogo.

Bouaddi-i taküm World Cup nung kanga junga asayaogo. Morocco pur quarter-finals tonga asayaba mapang pa asaya trok nungi pongu nungbo tetenzük nungi asaya liasü. 2024 küm Lille puri Champions League nung Real Madrid akokba asaya nung pai tongtibang shilem agiba sülen ajaki pa jangja aküm.

Bouaddi 2023 küm October ita mezüngbuba asayaba sülen pa Lille nungi 88 ben asayaogo aser taoba season parnok Ligue 1 nung tasembuba jenjang tonga asayaba mapang pai tongtibang shilem agiogo.

Pa ya Lille nungi asayartem rongnung tanobusang liasü. Pa arishi küm 16 junger anogo ishika dang lir senior team nungi asaya liasü.

Luroi/August 23, 2026

(Agencies): Manchester City-i Lille midfielder Ayyoub Bouaddi atema euro million 100 agütsütsü mulunga agizükogo.

BBC Sport-i iba hopta tetenzüklen Morocco nunger international asayar ya City nung adentsü atema club ana tsüngda sensaksemdar ta metetdaksür liasü.

Enzo Maresca-i aniba team nung lanur asayar ya adentsü atema tang tangatettep ka dangi aruogo aser Lille-i pa atema pound million 81 den add-ons pound million 4.2 agitsü mulunga agizükba sülen pa England nung asayatsü renema lir.

Midfielders Rodri Barcelona dang pound million 65 agi ayokba den Tijjani Reinders, Saudi club Al-Qadsiah dang pound million 52 agi ayokba sülen City-i central midfield

BILEMDANGANG

"Nüsasa masü saka tangar nem na tushidakjang."